

欽定四庫全書

子部

續名醫類案卷

四十至
四十三



南京中醫藥大學圖書館版權所有

詳校官太醫院醫官臣姜晟

編修臣倉聖脈覆勘

火天白事人

續名醫類案

小兒痘

治一兒

錢唐魏之琇撰

起細白點大便順而日

並仙煮食其瞳神即高

光煎服兼用羽皇散五

一兒白睛生翳漸掩黑睛連用去風去翳涼血清熱等藥不效即用瀉青丸及羽皇散間服數劑而安

驚不食草

鹽酒焙乾

白蒺藜各一兩 谷精草石決明

各二兩 旋覆草 蟬蛻 川芎 龍膽草 各五錢 羊膽三

個 蜜丸每服二錢 鹽湯下 羽皇散

萬密齋治蕭別駕女痘后不戒厚味其俗有病者必服附子食雄雞靈關元戒之不聽后兩目出淚爛弦此毒發於肝肝火旺也或曰目上下胞屬脾脾亦熱乎

曰此因淚出不止浸淫潰爛也乃用瀉青丸去大黃加柴胡黃芩密蒙花蜜丸服半年而愈

雷邑丞孫痘七日倒陷已與發出毒猶甚欲解其毒中氣素虛又致倒陷欲補其中恐助毒火又傷其目不如節飲食適寒溫以待自安不聽乃服參芪溫補之劑後兩目俱盲

王司訓子痘後兩目畏明此肝火太旺宜服瀉肝散加柴胡蟬退黃芩初一劑用酒浸大黃乃畏苦不肯服

果成內障目盲

蕭氏子痘後目有白翳曰此痘癍也治之無功果盲

徐淑道痘不靨用陳氏木香散一服曰誤也必損目矣

果盲其一

周氏女痘後目閉不開曰痘順無餘毒必羞明症也乃試之向暗則開向明則閉不流淚此肝火邪未除耳用羌防歸尾川芎柴胡蔓荊密蒙花生甘草淡竹葉一服目開遍身痘癍腫凸再用四物湯加荊防人參

連翹甘草而愈

周氏子九歲痘後出外忽頭腫兩目不開此非毒乃風熱也用羌防升柴芎歸藁本蔓荊細辛甘菊黃芩治之愈

王肯堂治從子懋鋳痘後兩目生翳羞明特甚窻牖皆以衣被覆蔽就明展兩眸視之則白膜已遍覆黑睛淚如泉涌嬰科眼科投藥不效束手告技窮矣乃閉戶而思目者清陽之所越也忽焉而有翳膜是濁陰

犯之也濁陰安敢與陽敵故羞明特甚乃以黃芪助清陽之氣為君生地當歸養目真血為臣羌獨防芎芷甘菊薄荷升清陽黃芩猪膽汁車前茯苓降濁陰為佐仍間服瀉青丸八劑而目開翳已去矣凡眼科點洗藥概屏不用橄欖核磨汁敷上皮而已蓋嬰幼柔脆點洗之藥必有所傷故也

費建中治一女三歲痘稀而綻突紅潤似可弗藥但烈熱如炮叫喊不絕左目掀腫如桃以大黃生地荊芥

甘菊赤芍黃連木通地丁青皮自三朝及十四朝始
身涼回好目亦無恙

痘

唇口症

徐仲光治一兒痘稠密未起發而唇先黃熟目先虛閉
咽喉腫痛不能飲食徧身痘俱平暗幸正額勻朗眼
眶口唇雖腫而紅活以甘桔湯加牛蒡連翹山查荆
芥陳皮人中黃等清利咽膈解其脾毒而愈

一兒痘四朝稠密未起脹而口唇先黃熟乃內潰之惡

候必為唇刺幸餘痘光澤脚斂脾雖受毒根本猶固
以補中益氣湯去白朮加牛蒡連翹山查繼以保元
湯理中湯而愈

一兒痘稠如綴粟平塌嬌紅血散不附唇口腫硬剝落
一層又一層皮薄空漿破如血汁漉瀉煩渴皆為逆
候但能食安靜有胃氣也用參朮連各二錢日進三
服十四朝肢厥脉沉靜如死狀痘皆倒靨心胸尚溫
收日漸甦而愈

痘口瘡

徐仲光曰一兒患血熱痘後身發熱口臭成疳潰脫上
齦門牙左顙盤牙唇紅乾裂左頰下亦紅腫如發毒
狀湖州沈三春外用抑陽散加葱汁酒漿調敷腫處
若面腫而帶青紫色為實熱必成馬疳潰頰不治矣
今雖腫而紅活知為另發癰也內服犀角羚羊角黃
連黃芩元參生地牛蒡桔梗甘草白芍花粉木通紫
花蒂丁及牛黃散一二服或煎銀花一兩入廣膠一

錢間搗甘菊花根葉汁沖入服之面腫漸平身熱漸退外吹牛黃一分珍珠三分黃蘗青黛人中白礪砂猪膽製各四分不易斂加烏梅炭三分血竭二分龍骨一分因體虛又加人參象皮灰三黃製蘆甘石各四分又常以醋調雄黃末軟筆點入潰竅中延至月餘而愈

痘

咽痛

徐仲光治一兒患血熱痘先用寒涼苓連犀角起發灌

漿頭面身背俱濃但兩腿面凹陷不起用參芪托之
反見熱渴燥煩大便溏泄多次咽喉腫痛改用清咽
利膈山豆根麥冬川貝桔梗元參防風僵蠶山甲當
歸白菊紅花生地山查陳皮蚯蚓牛蒡川連黃芩甘
草而愈

一兒痘後咽痛壅塞不通此餘毒留於心肺邪熱不泄
風痰壅盛先以桐油探吐服駝原散甘桔湯連翹牛
蒡射干元參而愈

一兒痘後真陰不足二火上行咽喉腫痛有以寒涼治者愈而復腫原其火為寒鬱先以附子理中湯驅其寒次宜壯水之主六味地黃丸加知母麥冬元參治其本治外吹葛蘊散而愈

一兒痘後脾胃不足陰火上炎咽喉腫痛以四君子加甘梗知藥川連牛蒡而愈

一兒痘後咽喉成疔以柴葛地蜈蚣等分煎成加犀角磨汁和服而愈

萬密齋治馬氏子五歲痘不起發曰此順痘也毒甚者則頭面腫毒微者則頭不腫非不起發也又呼咽痛曰此痘家常病喜喉舌無瘡頸項間痘稀不足怪也以甘桔湯加牛蒡子煎細細咽之咽痛即止

痘瘡

萬密齋媳李氏年十八痘成膿時經水忽行下血塊且多未踰日猝失音問之但搖頭垂淚凡痘帶黑歸腎宜有猝失音之症今已成膿飽滿紅潤何以有此逆

症思之良久乃得之經云婦人重身九月而瘖者少陰之脉不榮於舌也手少陰者心也心主血諸瘖皆屬於心瘡毒之火內起於心迫血下行故經血來也舌者心之苗血去則心虛不能上榮於舌故舌萎縮而猝失音也乃以生血散去五味子加當歸生地服之頓愈後以十全大補湯調理而起

蕭氏子三歲出痘將靨時忽失音啼哭有聲但言語重濁不清亮曰此肺熱也以甘桔清金散服之而安

痘發核

徐仲光治一兒痘十朝外左上齧潰爛外頰紅腫外治
用抑陽散同葱汁酒漿搗敷每日一換不用紙封內
服紫花地丁花粉生地丹皮元參山慈菇貝母翹防
茅芎桔連芩歸芍先以銀花一兩煎汁煎之頰腫口
疳漸平月餘忽發夜熱左腮下生一核大如李色白
按之而疼外治礪砂一錢五分膽礬五分麝半分燒
酒薄薄調勻新筆蘸塗內服芩羌翹茅甘芍元參前